

نوحہ

توڑے کم سن مجاہد ہاں میں جنگ خیر بنا ڈیساں
تیڈی تھنج دا میں کل دیگر کر حق امری ادا ڈیساں

نہ تیراں تے نہ تلواراں نہ نیزیاں نال لڑساں میں
عجب اندازِ جنگ ہو سی میں قاتل کوں رُوا ڈیساں

جیویں عیسیٰ دُتی ہائی انویں مقتل گواہی ڈیساں
فدک دے غاصباں توں میں حق زہرا منا ڈیساں

جھٹھاں چاہویں امر ہو سی پُتر معجز نما دا ہاں
بابے وانگوں میں نیزے تے، تے پڑھ قرآن سنڑا ڈیساں

میڈے لہو نال جاں تر ہو سی معلیٰ بنڑ سی محشر تائیں
میں بنڑساں ڈھال بابے دی پامالی توں بچا ڈیساں

تیڈے ممنون تھی وین اے پنجنن تے نبی سارے
تیکوں آ موت پرچھسی تیڈی غربت ودھا ڈیساں

میں ذاکر بنڑ کے بابے دا اوندی غربت بیاں کرساں
میں قاتل دے شہر دے وچ اوں تے لعنت کرا ڈیساں

ایہہ تن اشفاقِ خدا کیجے شریعت دی بقا کیجے
 نہ زیرِ ہوساں میں باطل توں ہو یا وعدہ کٹا ڈیساں